

宜昉文昌閣以復其形勝學通衢宜外樹屏  
墻以固其內氣萬曆二十五年知縣楊百朋  
助銀六兩修其下出水渠三十餘丈三十三  
年提學道朱 按臨試士遂視學謂其有大  
觀氣象知府涂巍知縣陸元錫取其地圖周  
環五百丈有奇北抵城濠東南水渠爲界西  
有小路腰落處並築墻塞之

縣學右有大路久被占塞反由中冲射知縣  
陸元錫清復舊路從觀音堂進修學煥然時  
萬曆三十三年

合浦縣附廓昔未設學洪武八年合浦裁革  
十四年復設知縣盧文會乃於新城東興文  
坊立學以附府學之左正統七年提學僉事  
彭琉成化八年僉事林錦弘治十四年知府  
王樞正德五年僉事李瑾前後建修嘉靖十  
五年知府張岳改遷于城外南屯拓地方數  
十丈中爲文廟左右爲兩廡前爲戟門外爲  
櫺星門殿後爲明倫堂堂後爲教諭廨堂左  
右爲兩齋左齋北爲訓導廨南爲門門左爲

三賢祠出爲儀門門左爲敬一亭爲儒學門  
前爲泮池周三十餘丈又開渠水培朝峯后  
築土山高丈餘十八年知府陳健復增建號  
舍二十間二十六年知府胡鰲重建櫺星門  
及東西二樓閣修文廟兩廡及儀門明倫堂  
兩齋敬一亭三賢祠三十四年知縣胡濟世  
復加修葺

啟聖祠萬曆二十三年掌縣事本府同知趙  
瑜鼎建

明倫堂舊在廟後萬曆十五年知府黃兆隆  
知縣鄭正規改遷于廟之左卽射圃亭廢址  
敬一亭在儀門左嘉靖三十四年知縣胡濟  
世重建

興賢育材坊在縣學前前知府胡鰲建文昌  
元會二閣久廢萬曆十五年知縣鄭正規重  
建改題之左爲珠海騰蛟右爲廉山起鳳

以上錄  
舊志

廉州府儒學舊在城東門內縣儒學舊在南

門外崇禎元年兩學具呈于本府署印通判  
何之鴻申詳二學併一 聖廟左建府學明  
倫堂右建縣學明倫堂在府治前舊道衙地  
廟制兩廡櫺星門儀門齋舍制如舊廟前華  
表一

國朝康熙十一年知府徐化民倡率修葺有記  
康熙四十年建復合浦儒學於南屯故址二  
學遂分祀焉康熙五十九年知府徐成棟  
捐資重修府學泮池櫺星門大成門大成殿

兩廡名宦鄉賢祠以及明倫堂聯珠講院明  
倫堂頭門無殊鼎建有通郡紳士立碑以紀  
其事六十年知府徐成棟又捐資重建 尊  
經閣 啟聖祠立卧碑樹 御製訓飭士子  
文復捐俸置備樂舞各器添設祭器延師教  
習樂舞隆其祀典

### 儒學田

按學田之名自宋仁宗給諸州學田始後之  
守令皆做之以興學校而士人亦賴藉焉  
萬曆二十年知府郭廷良立文會所捐銀四

十五兩買生員鍾維瑾原承吳邦信田歲收租三十五石原折銀八兩後被佃丁

吳邦仲作弊減至六兩後又減至四兩

二十三年兵憲馬千乘捐銀三十兩給民人袁伯傑

領為田價歲折租銀六兩佃丁吳綱等弊減至三兩崇禎八年合浦縣學教諭丘清出前

弊申呈巡道張批知府鄭斷各佃每年加還租銀以五錢歸府學以五錢歸縣學

二十五年知府林民悅增置學田一處

按學田自鼎革後荒廢實多今陸續勸墾輸課然荒蕪尚過半也

合浦縣儒學明初建於府城外南屯明季傾

圯併祀於府學

國朝康熙四十年兩學紳士具呈府縣建復於  
南屯舊址今

先師正殿雖已告成而門廡祠宇猶多未備現  
在議建

欽州儒學在城內州治之左高岡前得地脉  
之正

崇寧三年建三舍以其狹隘徙于州南熙寧  
五年知州黃旦改建于州署東南卽今學地  
許國公府教授顏棫記元至正中毀于寇明



洪武七年重建宣德三年守備都指揮程瑒  
重建編修彭琉記天順中復燬于寇成化五  
年僉事林錦讓分司爲明倫堂堂左貨民居  
爲文廟巡按廣東御史姚綬記弘治八年知  
州袁莒復遷南門外故址正德五年知州徐  
珪十四年知州李純前後修建增名宦鄉賢  
二祠歲久傾圮嘉靖十五年知州林希元復  
改城中故址中爲文廟爲東西兩廡爲戟門  
爲櫺星門三十四年知州鄧以和修廟後爲

明倫堂堂後爲學正廨爲訓導廨爲東西齋  
東齋南爲儀門櫺星門左爲儒學門

國朝知州喻三畏董爾性馬世祿程鼎先後修  
建俱燬康熙三十四年欽營遊擊陳誥肩爲  
己任捐金重建四十七年學正胡敷黃修建  
禮門義路儒學門周以繚垣五十年知府施  
世驥建明倫堂

宰牲所在鄉賢祠右

啟聖公祠并鄉賢名宦二祠嘉靖三十四年